

Održan seminar na temu “Sistem masovne procjene“

27.11.2014 14:54



Predstavnici Federalne uprave za geodetske i imovinsko-pravne poslove i CILAP projekta su u sklopu Impuls projekta u periodu od 17. do 20. novembra 2014. godine boravili u Prištini. Svrha posjete bila je učestvovanje na seminaru „Sistem masovne procjene“ u periodu od 17. do 18. novembra 2014. godine na kojem su razmijenjena iskustva i primjeri iz zemalja koje su već implementirale ili započele razvoj sustava masovne procjene.

Seminar su vodili stručnjaci Lantmäteriet g. Hans Söderblom i g. Olof Färnkvist, koji su učesnicima predstavili iskustva iz Švedske, s akcentom na prednosti i aktivnosti koje su potrebne za implementaciju sistema masovne procjene te povezane usluge/sisteme (npr. registar cijena, bazu podataka, registar poreza na imovinu).

Tokom drugog dana učesnici su predstavili aktivnosti i iskustva iz svojih zemalja u vezi s temom seminara. Predstavnici Federalne uprave za geodetske i imovinsko-pravne poslove su predstavili aktivnosti napravljene kroz odgovarajuću potkomponentu CILAP projekta u vezi s izučavanjem procjene vrijednosti nekretnina. Prezentacija je uključivala praktične primjere rezultata, saznanja i informacija postignutih na pilot-području te planirane aktivnosti u sklopu ove potkomponente za iduću godinu.

Glavni cilj Impuls projekta je da zemlje regiona imaju moderan i funkcionalan okvir za dijeljenje prostornih podataka u skladu s regionalnim i međunarodnim zahtjevima. Također, cilj je da se ubrza razvoj inovativnih INSPIRE usluga za bolje donošenje odluka te da se postigne interoperabilnost podataka i usluga. Zemlje korisnice projekta su Albanija, Bosna i Hercegovina, Crna Gora, Hrvatska, Srbija, Makedonija i Kosovo.